

洪

範

淺

解

洪範淺解卷之四

華容後學程

比

四之一

風上
水下

公上
原下

■ ■ ■ ■
○ ○ ○ ○

比上下相親左右承鄰龍見雲升君子以衆小人勿用

比者輔而近也四一疇之名疇變自遠而來遠者物之
疏比者物之親蓋盛則物親衰則物疏比之理也時陽
氣益盛形氣相比氣無體也比形以彰形有用也比氣
以著先天四一金之水也金水互藏其神比義也後天
四一火之水也火水相濟亦比義也疇命四一風之水
也風行水上則風與水比水承風下則水與風比亦比
義也疇德之四一公之原也蓋原而不公則不得以正

其始原之比於公也公而非原則不得以正其終公之比於原也故名之謂比疇則繼舒舒者放而不知萃歆其萃也故受之以比上下相親天道比也左右承鄰君道比也龍者雲之神雲者龍之氣龍見雲升神氣之相比也君子衆則比之以道小人用則比之以非道君子衆者陽盛也小人勿用陰衰也

猷曰比剛柔和也

以疇義釋疇辭

上下相親易簡也

左右承鄰觀道儀也

小人勿用替時也

以疇義釋疇辭

猷曰風達於水比先王使賢以親天下

風行水上則相比而無不達先王知比之道非不欲自親於天下之民勢有所不逮耳於是用天下之賢使之於天下而天下之隱無不達矣先王親民而民亦親于先王其比道矣乎

初二群鳥無首智比元吉利居比

鳥者四之屬也四一爲疇主八繹有群鳥之儀無首者言九爲比之最上居比之首九衰而衆失所比故有群

爲無首之儀夫比之道過剛則峻而不可親過柔則靡而不欲親一以剛行柔陽德中正在比下位旣明且順爲比之主爲衆所親爲四一者亦當親於來比者固不以剛亦不以柔禮而有文四主受而不拒察其情而不蔽衆比於一一比於衆則爲智比而可以得元吉矣利居比者言一雖以智爲比而比者一所居之位也得其位則可以受比矣

儀曰智比之吉以久親也

一居比初而得吉以一可比之德積累之久衆斯親比也

次二子比咎利見帥

帥者指一而言也二失一於右故曰子一爲比主二與一最近宜與一比二陰柔不明不知一盛而比於同位之四亦不相比子然而無所與矣故有子比之儀二孤而八衝之故咎其占則曰利見帥能知所主而見之則得合於一利攸行矣

儀曰見帥之利知德也

二三附比有鵠和聲越其鄰

附者三之旁立也鵠鳳屬色多青三之屬也鄰者二也三之與一位雖相隔三有陽明之德知其所主又行之

以柔順自附於一猶山之高者足以爲鎮旁丘之小者從而附之以成其高故有附比之儀焉者三也和者一也三固求比於一而一受於三故有寫和之儀但三之與一爲二所隔不得以相親故必越二而就之是以有越鄰之儀夫三始而附之附而和之和而往越之則得其比之正矣

儀曰附比而和得柔也越其鄰得剛也

一四睽比不利於外交無攸往

睽者四違五也外交四交一也一雖以盛爲比主然四近於五則五乃四之已比不可違背而外有所輔有非

二三八之可同時語者况以四遇五性位皆同時勢當比四不與同位而比於五故有睽比之儀其占則曰不利於外交蓋四不親於已比之五而遠比於一之䷋則外交背上矣五與一皆失所主故曰無攸利

儀曰不利於外交失義也

一五運比厲艱貞平

儀曰運比而貞以剛失也

一六扞比不利求食悔同宗分比

以物相隔而不通曰扞六之與一本爲一體一爲比主六爲五四三二所隔而不得於一陰柔無才外致之剛

不能勇往專於自守故有扞比之儀且時當其悔占曰
不利求食四與六比而有食扞比則食不成一六同宗
六當比五不可以一同體而有繫吝也

儀曰扞比之悔剛不足也

一七伐比商往而角不返災

七去五爲漸遠去一爲益遠七重剛不正固不比於五
亦不比於一矜持自立故有伐比之儀商者七聲也角
者三聲也往者七之滴也不返者三之衝也七商主臣
三角主民往而返不以民傲臣之占也故有商往不返之
儀四達三衝故災

儀曰商往而角不返匪勝也

一八奄比不利自享

奄同也比人者當以柔順恃剛不可也八當比時以柔行剛同位者不違異位者不衝八無多才惟同於衆而得比故有奄比之儀如是可得休矣占曰不利自享蓋八在上中若足以當一面之享然陰柔不濟隨衆而比享於人則可自享則不可

儀曰奄比不自享以順存也

一九殲比翹翹凶

殲盡也翹翹驕起貌九居比極無德而當首重剛失時

故不能比於人人亦不比於已比道窮矣故有殲比之儀九于此時猶驕奮焉其能免於凶乎

儀曰殲比之驕窮不復也

開

四之二

風上
山下

公上
冲下



開析民墾田闢塞通障利有攸往閑糴藏葬凶

開者同而異也四二疇之名疇變自翕而來翕者氣之閑開者氣之開既合而闢開之理也時陽氣益散萬物盡析四之二風之山也風者火氣也二者陰山也山之陰者非風之氣則物不發開之義也四之二公之冲也凡民既開非公不足以服之非和不足以安之能公則

立綱陳紀各有定分而開者於是乎其無爭矣能和則
禮樂興道德一而開者於是乎其樂生矣此處開之道
也四以陰火居南左二以陰金居南右左右各安其位
而無所爭金火相避而無所傷亦開義也故名之謂開
疇則繼比物不終比也有時而睽故受之以開散居墜
田䷖陽氣也開塞通辟去陰氣也利攸往以陽亨也閑
輿則不公而逆人情藏葬則不和而逆地氣違時舉事
此所以凶也

欽曰開行不戾性天下無越志可以祐禮矣

以疇德釋疇名義行不戾性言行異而性同也性同謂

二四皆柔順行異謂二四之所居所用各異處開極之道有勢焉有德焉四二所行之不同者勢也同柔順者德也否則強弱相形而忿生矣善惡相違而害生矣無所乖戾則志以分定分以禮節而天下禮文於是乎叙矣處開道之善也

析民墾田順天倪也

天倪者天道之自然指時之陽盛

闢塞通障慎地倪也

指時之陰微

藏閉之凶失人倪也

曰風聖於山開先王立姓以宗

風之來也雖同而物從風開者各異四二同居於南而各分於左右同而異也先王因民生之同而無別乃命之姓以立族因族之無統也復立之宗以屬之合而開開而和焉者也姓始於風者其或以此義乎

初二承開休

開之義有二有居下之開有居上之開在下者當安於開在上者當善處其開一在下位無自開之責惟當承順其開安之而已處開之初非剛則不能立過剛則爭非柔則不能安過柔則廢一以剛行柔則可以有善矣

故有承開之儀以德變而占之者如此

儀曰承開之休安下也

次二隼開不遇瓚夫

隼鉞也金初生於土者也二之質也瓚夫治圭瓚之人以黃金飾瓚物之最貴而華者四之人也二以柔順之德居下位之中凡在外者皆不能有所開創惟於其所固有者開明其良和而中正公而無私顯而不悔猶二者二之質乃其所固有者二自開之耳故有隼開之儀但二以重柔不能克治自開其蔽同位之四亦柔不能開二之明以成其美故有不遇瓚夫之儀以德變而占

之如此

儀曰不遇璫失自失也

二三開蒙咎亡

三當開時居下之上雖無開物之權而有開蒙之責三以剛行柔敬敷而寬啓蒙之道也故有開蒙之儀其占咎亡以德變而占之如此以其時則咎矣

儀曰開蒙咎亡以循道也

二四弋開傷於雨不利兄弟

弋者撻也鷄之所幽棲者也兩者六之質也四居顯明之位當開之時開誠心布公道中正以輔五可也四蔽

於重陰開失其正道故有開弋之儀言開乎邪道也四
既枉道爲六所衝故有傷於兩之儀四四同位有兄弟
之義四睽於四而開違不正故占曰不利兄弟

儀曰開于弋何可行也傷於兩何可育也

二五不利開國胤開休

五爲土而當開時故有開國之義然開國者必有陽剛
之德柔則不足以撥亂二五故不利開國胤繼也以剛
行柔繼開之道也故有胤開之儀其占則休

儀曰胤開之休達則也

一六衡開祥

衡平也六位近五有輔五開物之權但六爲太柔則無
開物之才六於此時若有所爲則牽制狹隘不能展布
而反爲開物之累六柔順而變於剛明固不開物以自
展亦不妄有所爲以自累平心應物安德順時故有衡
開之儀其占則祥

儀曰衡開之祥不越志也

二七開務休無成

七以剛德居上之下則有開物之才合於同位之四助
成其能故有開務之儀以時而占其休若此但七行之
以柔順而四之陰又不能克濟於七故有無成之占以

行變而占若此

儀曰開務之休以剛中也

二八入於堂不見其子入於室不見其妻凶

曰堂曰室八之質也四爲八所生有子之義不同於四故有不見其子之儀四與八同居則有妻之義不合於四故有不見其妻之儀夫天下之至不可開者無若妻與子也於此而開之則情義乖離人倫大變凶可知矣儀曰不知其子云誰繼也不知其妻云誰助也

二九幾開悔亡

絲漆交物之縫曰幾九處開極時將合矣九於此時以

入也不在已既進而順於理則其晉也不循人故名之
謂晉疇則繼開恐其開之遠且卻也故受之以晉舉直
錯枉進陽而退陰也百工所以趨事者則陳力以理其
職監工所以視師者則日號以糾其能此皆進於爲者不
晉則悖時矣故凶蚕出於天駟時則大火見矣故吉古
於是月具曲植籩筐后妃齊戒親東嚮躬蚕此之謂也

猷曰晉陽南升也

百工咸理以奏績也

蠶桑之吉以應天也

猷曰木資於下風動於上晉先王居漸臺以暢幽

資積也木資於下有漸臺之義風動於上有暢幽之義
通幽者莫過於風先王晉居於漸臺非為逸也觀氛察
侵無所不用其明則其晉也非以勤居逸者乎

初二遜哲而憂無後灾利居舊

遜者一之性也哲者一之體也憂者一之屬也一在晉
初而當時之灾一行之以柔不恃剛而晉又能識時之
衰而憂之明以行之則可無後灾矣故有遜哲而憂之
儀其占則曰無後灾以德變而占之者如此一在晉初
尚無所往若守其舊而不前則內外雖違亦利

儀曰遜哲而憂達時也

次二充晉咎

充耳之不能聽者也人之失聰者則進行不審二當晉時重陰不明舉動不正故有充晉之儀以德變而占之如此

儀曰充晉之咎逆時也

二三晉於南宮不得其位

南宮向明之所四三之位也三以剛健之德居下之上當晉之時同位者揚之異位者成之極其相際之盛可以晉矣三猶處之以柔順從密不迫害其所往故有晉於南宮之儀三有剛德則晉不枉已又進之以禮則不

失人但三在下不得正位則晉又不可不慎也

儀曰晉於南宮得志也

三四婁晉不比休

婁者牽引之貌四當晉時晉而近於五矣有同位之四
久居於位而援之故有婁晉之儀然四雖柔順志則高
明與援者同性順交而正大光明雖曰婁進而實無所
私故有不比之儀如是則休矣

儀曰婁晉不比順中也

二五展晉貞平

展者不定之貌五爲晉主必剛以斷之明以察之則所

當晉者用而勿貳所不當晉者去而勿疑五行之以陰柔故有展晉之儀但五無所撓若能以正則平矣

儀曰展晉之貞慎始也

一六僖晉君子休小人咎

小心謹畏曰僖夫自一至四在下而將晉者也自六至九在上而已晉者也六以順晉漸遠二五以柔行剛小心謹畏其行不比故有僖晉之儀占曰君子休君子以剛正為心者也小人咎小人以陰邪為心者也

儀曰僖晉之休得道也

三七繇晉凶

鵲所以粘鳥者禍切於身而猶晉者也三之術也七居上不中當晉時之極滴同位之四嫉之而不合異位之三克之而不容七退之猶恐其不免乃剛交而動自極其身故有鵲晉之儀

儀曰鵲晉之凶用罔也

二八鳩翕於柯無譽無悔

鳥收其羽曰翕柯樹枝之平者八晉而居上之中其位可謂高矣八柔而無爲固不求晉亦不能退安於所居故有鳩翕於柯之儀其占如此

儀曰鳩翕於柯柔不可久也

一九淩晉災遄無咎

淩習醉不醒貌九居晉極其時窮其勢反亟退可矣九以剛行剛知進而不知退故有淩晉之儀其占災以行變而占之如此若急退而不以成功居寵庶可以無咎矣

儀曰端無咎達義也

公

四之四

公公
下上

風威
下上

國 國
 國 國
 國 國
 國 國
 國 國
 國 國
 國 國
 國 國

公亨天高地下萬物散殊君子克已禮復其初利折獄

公者明而無私也四四疇之名夫書之道一爲奇二爲偶三爲奇偶之交交則天地萬物皆成矣是造化之理

止於三而萬物之數亦止於三故孔子曰叁天兩地而
倚數則四者二所生之二而四之中又有一二三上二
偶者二之體數也下一偶者二所生之二也其儀三偶
四之儀既立復兩其三偶而爲九爲公二偶所
盜之成數也疇變自用而來用者專而不博公者博而
不專久約者施必溥公之理也時日在畢古曆畢自一
物以至於萬物無有不得其氣之和者時則假大公之
時也先天之四四金之金也後天之四四火之火也通
於天下而無所私者金火而已矣金火之陽者已用於
人則有所專猶未公也金火之陰者未用於人則無所

主故公疇命之四四風之風也風通四時暢幽明達萬物亦公義也順而無私同而不比公德也故名之謂公疇則繼晉晉不可僻也故受之以公公則惠故亨萬物散殊天地之公也克己復禮君子之公也利折獄公則明也

猷曰公施順而同應順而不悖公

以疇德釋疇名義施者上四也順者四之柔也同者四之重也應者一至九也不悖者一九皆柔順也八位所行雖有正與不正所遇雖有休咎而未有不同於柔順者此所以公也夫天下之公理在於人心不順於人心

不可以言公四公之而若有同異於其間則亦不免有所雜矣以四遇四德之純也其爲公也不亦誠乎四四以順爲德居八位者若有不正之剛逆於其間則吾能以公理順於天下而天下不能以公理順於吾心亦不足以見公之溥也四四之柔順不過盡其在我之公而八位之順自合於四施而應之者其不悖如此不亦公之溥邪故名之謂公

萬物散殊統大德也

釋疇名義大德太極也天下無一物而非太極之所生則公矣

克已復禮承天德也

折獄之利尚剛中也

折獄固在於公公而無斷斷而不中亦非公也

猷曰風以通之公君子不遺民於遠

風雖無所不有然其風不繼則亦有無風之時有無風之所其風相繼則通於天下而爲公故君子雖不能以身歷于天下而於天下之遠則未嘗有所遺於其心君子之公也

初二缶公失在子曰癸有孚

公之初於心則無蔽於人則無好惡於事則無所忤但

已之公未彰而人心未服宜開心以示公積信以示誠
一以陰柔其心之公未變而公之行則未達之於外乎
之於人故曰缶公猶物在於缶內雖無汚而外實未著
也子曰者一之曰也有公而人不知其達在始久則人
必知之後可無咎也

儀曰缶公之咎以漸乎也

次二不見其石失其親

石者二之所本有也猶公者心之所本有也二當公時
重陰不明不能知其所自有故有不見其石之儀二四
同位二既不公則至近者亦失之矣故有失其親之儀

儀曰不見其石柔不復也

二三巽公無後怨

巽順者三之性也當公而過於直則失之矯而怨生矣
三有剛德而知變順理以爲公三與四同位而不相遠
故有巽公無后怨之儀

儀曰公無後怨以順獲也

二四膚人同心利佐國不利即危慎彼憮人

四德柔順以四遇四其德同其時同其位同純而不私
合而不離故有膚人同心之儀四以公近五故其占曰
利佐國夫公物者固貴於順物而佐國以公者猶貴於

剛明非剛明則不足以發其公二四過柔不足以撥亂
故占曰不利即危二六忌之故曰慎彼憐人

儀曰庸人同心不可渝也

二五權其公勿替之勿登之則得其人

權稱物而取中者五以公爲心公以剛爲正循物非公
也蓋下之人有公者焉有不公者焉雜進於前使不能
進退於其間則無以稱物平施而爲公矣故有權其公
之儀四至公者也公則忤物人必嫉之而毀者至矣五
不可不察於毀而或替也故占曰勿替之六私而不公
者也私者暱於物人反欲之而譽者至矣五不可不察

於譽而或進也故占曰勿登之如是則可得二四之膚人而六不得進矣戒占者如此

儀曰權得其人慎始也

二六烹彼䟽獻藝其膚凶

烹者六之忌也䟽獻畫鳳羽於搏飾采可觀四之盛也藝者四之衝也膚者六之屬也二六陰險不正當公而忌見二四之盛而惡之不能好人之所好用人之所用忌而見傷故有烹彼䟽獻之儀四能柔而德公六之險忌實以自害故有藝膚之儀猶獻尊宗廟公器之有文者忌文而烹其何損於四乎

儀曰烹彼馘䟽拂情也

二七公淳制其衆不疑

淳制幅則也內宰所謂出度淳制是也七有剛德居上
之下行之以柔順不施之聲色惟以天理人情之正敦
之制度而其所爲直者昭然可行故有公淳制之儀四
與七雖相睽睽而制者乃所以成其公也故有其衆不
疑之儀

儀曰公其淳制得常也

二八其捷亡其庭有械

二十四銖曰兩兩有半曰捷公之所由生也虞者八之

位也。械小樹叢生之有刺者，八之衰也。八居上中，其位高，宜以公信於下。八重陰不正，失其公理，故有捷亡之儀。上既不公，下亦不服，而位之所處實爲叢怨之區，故有庭械之儀，失可知矣。

儀曰：其庭有械，以叢怨也。

二九公無咎。

九居公極處，以柔順公而能平。夫事至于極，未有不變者。惟公乃天理人情之至，雖極而不嫌其爲公，且以柔順行之，故有無咎之占。

儀曰：公無咎，順得正也。

益

四之五

風上
土下

公上
中下



益朋友方來敬之終吉繼長增高與時諧極廢墮凶

益增長也四五疇之名疇變自損而來損者減其盛增
者益其盛損必有益益之理也五陽已盛六陽荐至益
之時也先天之四五金之土也以上而成乎金下之益
於上也後天之四五火陰而土陽也以火之氣而溫育
乎土之陽則上受下之益矣疇命之四五風之土也土
生物而四之清明風助五德以長養益之義也疇德之
四五公之中也公而能中則德日長而業日崇故名之
謂益疇則繼公公者順也順而和則本立而萬化出故

受之以益朋友以麗澤講習益莫大焉又必以敬而益
進於道則方來者益衆敬者已自益也方來者人之益
也故終吉長者繼之高者增之以諧時也廢墮則傷已
成之功故凶

猷曰益以剛從柔上下相悅而大業生焉益

以疇德釋疇名義

朋友方來尚中行也

終敬之吉其道光也

繼長增高以翊剛也

釋疇辭義

欽曰風地益君子以虛受成以儉德厚下

風者天地之氣通於地中噓於地上以成物以其地之虛也土質大而下於四土爲萬物之主下於萬物受萬物之克以成其物故君子虛也儉也皆益也

初二莫或躋之莫或求之貞休

此疇以五爲益之主一去五爲最遠居位之下在益之初益而未甚已固不能以大益於人其人亦未有深益於我夫已不能益於人則當知所以自益自益之道莫貴於謙不可因時之當益欲其進之以自益也躋者進而升也人未有益於我則當知所以待人待人之道莫

貴於恕不可因時之當益而過責於人也故去者當如是也如是而以正則休矣

儀曰奠或躋之可與升也奠或求之可與得也

一不升則有可升之益一不求則有可得之益

次二益不利於夫子利婦人

二當益時在下位之中處之以柔順夫柔順者受益之道故先曰益但二本柔順而又行之以柔順則過矣柔順之過者在夫子必有所損故有不利夫子之儀柔順者妾婦之道也妾婦柔順則有益故有利婦人之儀儀曰不利於夫子失中也

二三服其輿不阻於東南往繫之

輿者五之屬也服者趨事三之益於五也東南者四之位也阻者五隔於四也三當益時在下不中已不能以自益以力益上者也三將近五而爲四所隔又不能以受益於五於此之時惟盡力以事上故有服輿之儀雖隔於四而必往故有不阻於東南之儀繫四繫之也二往而以力益於上四亦往而以德益於上四近五而三近四率下以益上四之道也故有往繫之之儀

儀曰服其輿以力乘也不阻於東南知義也往繫之率也

二四夏初雷雨益之以風電休

夏初四之時也雷五之喻也

上公夷旁有雷電

風者四之氣也

電者四之華也五爲益主四近於五時爲夏初夏燥則物不受益於此時而益物者矣過於雷雨五以剛動於中而四陰隨之故有夏初雷雨之儀五以陽動四以明合四之性爲風其光爲電明動相資故有益風電之儀盖雷非電不行雨非風不疾電也者所以益雷風也者所以益雨其占則休

儀曰益之以風電獲上也

一五登益元吉利建后羣醜受俘

登瓦豆五之質四所成也夫五爲生物之主可謂尊矣

然四在五上則天下之物無一而不加於五夫物無一而不在五之上則無一而不容於五之中無一而不容於五之中則無一而不受五之益五剛而得中厚而有容故有登益之儀猶豆盛物於下則物皆受豆之益物加豆上而豆之文益著則豆又受物之益此所以爲吉之大者衆陰旋拱於其外一陽尊居於其中一八輔益於其上五居盛時而足以爲天下之益主故有利建后之儀陰雖衆而不敢以抗五德剛中而足以制故又有群醜受俘之儀

儀曰登益之吉厚下也

二六懷益不利攸行

居上益下非損已不可損者必剛以克私柔則私意生而求益於已益已者其何能益於人乎六當益時以柔行柔自安其私故有懷益之儀其占曰不利攸行儀曰懷益不利行無終也

二七贄益無言休

七當益時居上之下不得其益下之權以剛行柔贄於同位之四相成以行益故有贄益之儀柔順不伐故有無言之儀七主矜伐如是則彼此受益而其所贄者亦可及下矣故休

儀曰贊益之休以祐下也

一八不有躬用乎中行休

五以剛中益於天下七繹皆陰各自行益無有大同志而益於五者惟八居上中則有益於上下之萑矣以柔行剛則有益於上下之德矣以八之益上言之則不自有其身其益下也剛以克私不從己之欲故有不有躬之儀以柔行剛益而得中故有用中行之儀其占則休儀曰用乎中行同上下也

二九

音殊

鳥不疾益其毳惕若平

凡短羽也疾鳥飛速也毳毛落更生閏澤鮮好也九居

益極其時當損若不知退而復行之以剛能無損乎九
以柔順處益剛而不長故有儿鳥不疾之儀夫益者必
損固天道之常能守其益則亦可以勝天故有益旡之
儀但疇以益下爲義益下者極則其上必益當益而惕
戾乎其可平也

儀曰益其旡載致也

旡者損而復益載損之益也故當惕若

章

四之六

風上
澤下

公上
用下

四四四四四四四四
四四四四四四四四

章天下文明赫赫彬彬大震厥聲匪正有悔

章著見也四六疇之名疇變自昧而來昧者屈而隱章

者伸而著屈伸相感而隱顯生焉章之理也時陽氣
宣上下昭著莫非此理之用章之時也先天之四爲金
之氣後天之四爲火之氣金火之氣發於澤上章之義
也疇命之四六風之澤也風動澤上渙乎有文章之義
也夫四一四六同爲風之水也四一爲比四六爲章何
也蓋風之於水其始合也則相比其旣比也則有文况
一爲陽水爲泉六爲陰水爲澤風之比泉也則見泉而
不見風澤之比風也則見風而不見澤此比章之二義
也疇德之四六公之用也凡天下之事公則不私用則
不隱故名之謂章疇則繼益益則高明故受之以章天

下文明時之章也赫赫文盛貌彬彬文均貌因時尚文其聲濯濯重明麗正以化成於天下者也不以其正則文過之漸其變爲亂故有悔

猷曰章順矣而不息也素矣而不厭也以此觀天下而民儀之又何美焉

以疇德釋疇名義順而不息指六之所以文素而不厭指四之所以文美奢之弊也順者物之性不息則久而微矣此六之所以章也素者物之本無所厭射則其本盛大而所出無窮此四之所以章也

天下文明以淑氣也

八震厥聲臨君德也

臨大也

宅靈焉而不易知者天之文也載靈焉而不可變者地之文也叙靈焉而不可逆者人之文也

此言章道之大宅靈者言天文乃神妙之所會載靈者言地文乃神妙之所安孔子曰地載神氣叙靈者言人又乃天之所默騭不易知言說天者當以理不可變則經野撫世者當以仁不可逆則盡人之性當脩道以教風乎漣如水之文也

釋疇之六

法華經疏卷之四
燧乎炤如火之文也

釋疇之四

應天之文者謂之上潛和地之文者謂之下潛敦人之文者謂之中潛三潛盡而鬼神之德合矣

言君子盡天地人所以章之妙

玩水文者謂之達清玩火文者謂之達明二達盡而君子之辭可求行矣

君子之文如水故其言出於自然而有本其文如火故其言明白而易曉故言而世爲天下法也

歟曰幽澤有火章先王虛而不察

六陰水爲幽澤

夜澤

在下四陰火爲幽火

夜火

在上則

無遠不見然水得火而其光益燦火得水而其光愈遠
皆有所感而明斯章也故先王之心雖無所不見必因
事而後明生不於無事之時而爲伺察焉

初二景章不動於高人休

景儀禮謂襲錦者一之素也高人九也一陽德居下在
章之初章於內而柔順於外故有景章之儀一雖含章
德容所著亦能動物位雖卑而不爲上九所屈故有不
動於高人之儀

儀曰不動於高人以孚行也

次二醕章厭於友後灾

醕飲錢飯酒也二之孺也友者同位之四也二以陰柔本無可章之具乃行之私以求章故有醕章之儀言假飲食以求章其名者也三與四同從而有友義二藉四以濟私假所私以求譽然欲窮則交盡邪行則正惡四不應與而八衝之故有厭於友之儀

儀曰醕章之厭何可罔也

二三桴章小其戶吝

桴棟也一扉曰戶三陽剛本有可章之具當自求充實以有光輝可也三蔽其陽德狹隘其所行小明自見故

有桴章小戶之儀各道也

儀曰桴章之戶自棄也

二四絺章六月而禡凶

絺公服之貴者四之位也四近於五位所宜章重陰不正不能以道顯於時徒以服美惟誇位高自耀故有緋章之儀竊位於衰時見而不隱爲六所奪故有六月而禡之儀其占則凶

儀曰六月而禡失道也

二五援章有終休

二五順柔不以陽剛自見屈引其六之美以求章而又

能有終休道也

儀曰援章之休其道大也

三六明章有孚慎吉

六以柔順之德內實外文而當交會之盛五則援之信於上也四同位者揚之信於下也故有明章有孚之儀以時義占之如此但五以柔順六亦以柔變而無剛德故慎敬而後吉以德變占之如此

儀曰明章有孚其道大也

二七敦章休

七以陽剛居上之下重厚而不輕露美道也故休

儀曰敦章之休其道深也

三八委章吝

八居上中正達明之時也重柔不振故有委章之儀立人之朝而道不行能無吝乎

儀曰委章之吝其道窮也

三九爵章咎晦無咎

爵弁名九之意也九居章極高而不隱故有爵章之儀其占咎內遠而外衝也九剛變而知隱則亦可無咎矣儀曰爵章之晦其道安也


章極而咎理固爲常君子不可安常以待咎

盈

四之七

公上
分下

風上
金下



盈生氣流行品物咸亨雷雨滿盈不疑其行

盈滿也四七疇之名變自虛來虛者退而損盈者進而
益旣損則益盈之理也六陽之氣充於六合盈之時也
先天四七爲金後天四七爲火金火之用相資而充火
氣非不行也火得金而氣益烈金氣非不行也金得火
而其氣益燥陽盈之時必在火金之交而火金之盈必
在陽盈之際皆盈義也疇命之四七風之金也風氣充
滿於四時金用不匱於天下亦盈義也疇德之四七公
之分也當盈滿之時宅心處事一於至公而不苟又安

於分而不過斯則居盈之道也故名之謂盈疇則繼章
章者其氣溢故受之以盈流行者生物之氣周而不闕
咸亨者性命各正通而不塞雷屬於四四爲火雨生於
七七爲金當夏月而盈足於萬物者莫過乎雷雨不疑其
行者陰盡亡也

猷曰盈過也

雷雨滿盈以和利也

不疑其行羣陰亡也

猷曰風上於金盈君子齊家重陰禮不尚其資

四屬禮居陰故曰陰禮七爲金故曰資風上於金者禮

先於富也。蓋陰禮者修治之本，萬化所由出，故君子先之以風於天下，不尚其資者，雖所以重禮實處盈之道也。
初二露盈育其綏祥。

露者一之氣也。綏者，蟬之長喙在於腹下，聲之所由出也。育，養也。蟬以露爲養，飲露多則聲咽而清，飲露少則聲結而濁。一居太陰在下，當盈之時上升而合於四，不能成雨，故有露盈之儀。一以陽德居盈之始，變於柔順，惟以自養清而不污，故有育其綏之儀。自育於心則雖盈而不害其爲盈，故祥。

儀曰露綏之育，志自內也。

次二葉盈悔不利交

尊所以起多寡而定量者二陰居下其德不充以私求
盈故有葉盈之儀夫一葉之盈雖不足以言利而利之
盈實始於此盈葉之私雖不爲大而欲之盈實始於此
是以悔也占曰不利交夫以一毫之欲存之於心猶慮
其欲之盈盈之悔以是而交於人則放利多怨故不利
儀曰葉盈之悔欲不可長也

二三釋盈凶亡

衆當盈時三當極衰同位者致之異位者伐之則三可
謂凶矣三以陽剛變於柔順不効其衆之盈而自解其

時之衰謙以自處故有釋盈之儀如是則凶亦可無矣
以德變而占之如此

儀曰釋盈無凶節時也

三四薦盈無辨咎

薦牀藉也辨床簣也四近於五爲五所藉爲下所尊可
謂盈矣四以柔變才不足以幹事智不足以濟盈故有
薦盈無辨之儀其占咎

儀曰薦盈無辨柔不稱也

一五曰盈遇其隄貞平

儀曰日盈之隄過剛也

三六 汭盈休

井有水曰汭六之盛也六當盈時柔順以動滿而不溢故有汭盈之儀六但雖盈亦時勢之所自有而不爲過焉者故休

儀曰汭盈之休不自滿也

三七 惠盈而志貞元吉

七當盈之獨盛又有同位之四以輔其盈可謂極矣七以陽德而變於柔惠而不私利人而不徒自利足物而不徒自足且志其利與足於人者故有惠盈而志之儀其惠也又以其正故得元吉

儀曰惠盈而忘以厚養也

厚人之養則盈在人矣嗟盈盛而不專利故吉

一八康盈吝

康臬小器八質也八陰柔居上量不足以受盈柔變於剛求克其欲故有康盈之儀器小而滿吝道也

儀曰康盈之吝不稱位也

三九翁盈不顧其帑之衰災利行仁

翁鳥頸毛也帑鳥尾毛也翁九意也帑一意也九居盈極剛動而交樂其性之盈而不思其來之衰故有翁盈不顧其帑之儀其占則災

儀曰不顧其帑之衰以後窮也

錫

四之八

風上
雷下

公上
戎下

䷗䷗䷗䷗䷗䷗䷗䷗

錫章厲發爵賜服慶賞以行小人勿乘以殃厥身

錫賁予也四八疇之名變自庚來庚者已衰而睽物錫者已盛而與物有所予者則物必附之無所予者則物必睽之遠之久者必有所與錫之理也以理與物為性以氣與物為形陽將盡而理氣皆授於物錫之時也疇命四八風之雷也風得雷而益烈雷之與風也雷得風而益壯風之與雷也風與雷交皆有相與之意錫之義也雷風作於上則天澤之惠於萬物者溥亦錫義也四

之八公之戎也當錫之時處之以公思其變而存之以
畏錫之德也故名之謂錫疇則繼盈物盈者必散故受
之以錫夫當賞而賞則人思奮而事功興故吉不慎則
濫故厲賞有功順陽德也去佞邪抑陰也

猷曰錫予也僭則戎興焉公則服

亨厲慎愛也

發爵賜服順時也

以疇義釋疇名辭

猷曰風雷錫先王不淫動於大侵

風雷雖所以益物而爲錫然物得其澤之與而風雷之

氣亦已洩薄矣故先王不舉於大荒之時所以存體用

初二綏錫休

綏安也一當錫時居下則無錫與之權不有天之與我者乎惟當修其在已而已一變於靜正義明道而無謀利計功之心故有綏錫之儀無爲而爲故休

儀曰綏錫之休求自內也

次二竊錫陷於穴凶

二重陰不正當錫之時不堪所與陰邪求錫取媚於上故有竊錫之儀八以盛德居上不爲二罔以機得者禍不測陷於陰而自惟其咎故有陷穴之儀其占凶

儀曰竊錫之陷以邪敗也

二三僎錫悔

僎俟也三德已變當錫時而處之靜雖無干錫之事而亦有異錫之念故有僎錫之儀

儀曰僎錫之悔志在外也

三四權錫貞祥任錫咎

權酌量輕重者四近於五時位當錫但四陰柔無大德而五亦柔順故必度分自安權其錫於已也不過望於五權其錫於上也如是而又以其正則祥矣若柔變不正任已之時位所當錫而不以正則咎

儀曰權錫之祥安常也任錫之咎昧變也

二五咨錫貞平

咨詢於人也五陰柔不決不能自主故有咨錫之儀但無所撓錫正則平矣

儀曰咨錫之平以柔失也

三六允錫災

六當錫時動以陰柔悅五以取錫故有允錫之儀其

占災

儀曰允錫之災獲不中也

三七握錫災

握專持也七居上之下則不專錫之權矣剛動自行故

有握錫之儀其占灾

儀曰握錫之灾遠請也

二八錫茅貢於清廟貞元吉不利封國

茅八質也八屬宮室而居東北之陰故曰清廟八以柔
順居上之中當錫之盛時雖無陽剛大命之錫順時而
與休休樂善推賢讓能故有錫茅之儀四受其錫亦不
敢私厚其身而輔八以進於盛域故有貢於清廟之儀
夫錫茅則八之與四也可謂公而縻不私其所有矣貢
於清廟則四之與八也可謂敬而尊不瀆其所賜矣彼
此交與故爲吉之大者但八過柔順必以其正而后吉

占曰不利封國蓋封國乃君事必有剛中之德二八柔順居臣位故不利

儀曰錫其茅以毗下也貢於清廟以翼上也

三九陵錫往咎勿僭無咎

陵輕侮也九錫極而剛動恃其往之尊錫之盛也知錫而不知其輕人之非樂交而不樂其和順之正故有陵錫之儀侮而錫私心也以是而往則咎然錫之過者則濫九以剛變故占曰勿僭無咎戒占者當如是也

儀曰陵錫之咎人不與也

靡

四之九

風上
火下

公上
然下

䷗䷗䷗䷗
䷗䷗䷗䷗

靡亨上下寧謚來賓來庭勿循其名大人吉小人吝疾病
凶

靡者文之極又披靡也四九疇之名疇變自飾而來飾
者質之嚴靡者文之侈靡則由內以恣於外飾則由外
以謹於中嚴之久者有時而弛靡之理也時陽明之氣
盡洩於外彌漫布濩流行洋溢靡之時也疇命之四九
風之火也物感於風則靡然從之物受其火則靡然燉
之先天之四九爲金金盛則後後天之四九爲火火盛
爛燎皆靡義也疇德之四九公之終也當時事之靡處
之以公終而不變則不循物而靡處靡之道也故名之

謂靡時則繼錫錫則惠博而情周物皆靡然而順之故
受之以靡靡則盛之極故亨上下寧謐時靡而安也來
庭來賓人靡而服也試功而行賞罰所以抑靡也大人
吉慎靡也小人吝從靡也疾病凶數終靡弱也
猷曰靡豐不振也

靡兼二義

上下寧謐明大升也

陽明之氣大升於時

來庭來賓應大和也

大人之吉敬不渝也

獻曰風火靡先王修意以誠於天下

風火交煽物無不靡先王能使天下之靡然者非以威令之行播告之修也惟修其德意而已故所存者神而天下之於聖人固有先意以待之者其於靡從也不亦誠乎

初二醒靡六日不食凶利有憂

酒者一之屬也六者一之窮也不食者九之衝也一居太陰當靡時之衰陽溺於陰不能自振而醒然以自省故有醒于酒之儀一既不正爲九所衝不得其養故有六日不食之儀其占凶夫一雖時靡之凶而在靡初者

能憂惕以剛則亦利矣爲一者可安於凶靡乎

儀曰六日不食何可久也

次二歲靡咎

一羽曰歲十羽曰縛百羽曰縛二以陰柔當靡時復行之以陰柔弱而無爲不能任事故有歲靡之儀其占咎以德變而占者如此

儀曰歲靡之咎不能立也

二三朴靡無終敗於金矢

三主質故曰朴三以陽剛當靡時而率已之性故有朴靡之儀但三變於陰柔不能持久故有無終之儀爲七

所伐故有敗於金夫之儀

儀曰喪於金夫失守也

三四焦靡不利於大觀悔

焦焦容貌畏縮而不舒庶人之容止也大觀大人之具瞻也四近於五當靡之時陰變無剛臨之不莊故有焦靡之儀占曰不利於大觀居上而靡則民不敬

儀曰焦靡之悔納悔也

三五制靡利恒貞

五居尊位值靡之時以剛中之德變而動物正其人心一風俗同道德以克其時之靡故有制靡之儀當此之

時必有恒之政有體之辭旗爲正也

儀曰制靡之貞達剛中也

三六波靡者不利舟師

波者六之體也六於靡時變于重爲下之四風所衝不能特立故有波靡之儀吝道也占曰不利舟師蓋天下之靡盛者食過於師以剛制靡者食過於行師師在於水故有舟師之義靡而無制四動而衝故曰不利儀曰不利舟師柔無節也

三七繪靡貞無咎

繪服之文者其文畫靡而禮制存焉七之意也七當靡

時剛而有制文不及奢奢不及僭剛變而得正者也但
七本靡必以正則無咎

儀曰繪靡之貞以秩禮也

三八洊靡咎

洊以水渾泥也二以陰靡上衝於八其下清渾八柔交
而動居上之中而不能清乎下故有洊靡之儀其占則

儀曰洊靡之咎不克新下也

三九頽靡赤箭不撓厲終吉

頽風之自上而下者也赤箭勁草有風不動者也夫物
之過於靡者不免為靡所移是以靡盛之靡則為撓靡

之靡九居靡盛而四又以文濟之盛而又盛故有賴靡
之儀九以陽剛自守不爲時靡所移故有赤箭不撓之
儀九遠時特立不能無厲得禮之本得忠之道故古
儀曰頽風之靡亦可懷也赤箭不撓猶可欲也

時盛之文雖著可懷而所欲有甚於文者則不可變

洪範淺解卷之四